

**Aurum Sapientvm, Sive Ars, Sine Scelere, & cum virtute,  
ditescendi**

**Masen, Jacob**

**Coloniae Ubiorum, 1661**

Qvæstio VIII. Quo ordine, quaque moderatione versari labor noster in  
sacris profanisque debeat: ut necessariis opibus non destituamur.

---

---

**Nutzungsbedingungen**

[urn:nbn:de:hbz:466:1-55377](#)

Principes, totidemque populorum Domini, per sua Castella atque Oppida divisi a prodierint. En quatum profuerit, desertuni à Matre atque ab omni humano solatio ad ad Deum Ismaëlem confugere, exaudivit enim vocem pueri Dominus, quem Mater deferebat. Certa, indubitata à Deo auxilia suppetunt, coniuræ in nos mundus, adversetur Dæmon, amici cedant, parentes destruant; nunquam à Deo deseritur, qui Deum non deserit.

Quare hæc nobis denique regula consti-  
tuenda est. Cum providentiæ divinæ sit, ita  
homini, tanquam creaturæ suæ prospicere:  
ne quid ipsi ad necessitatem desit: suam ho-  
mo sollicitudinem in illum proieciat, cui  
cura est de omnibus, & nihil defuturum  
est.

a) Gen. 25.16.

### QVÆSTIO VIII.

Quo ordine, quaue moderatione versari la-  
bor noster, in sacra profanisque debeat:  
ut necessarius opibus non desti-  
tuamur.

**N**ec otiosam Deus in nobis fiduciam;  
nec sollicitum nimis laborem postulat.  
Et otium, & labor prudenti moderatio-

nem, ut diximus, requirit. Novimus quam  
Deo invisus fuerit ille Nabuchodonosoris  
labor, quo magno studio impensisq; Urbem  
Babylonem è ruderibus excitatam, ad pri-  
stimum decus splendoremque erexit: nam,  
cum gloriosis ista iactaret vocibus: *Nonne*  
*hac est Babylon Civitas magna*, quam ego  
*adificari in domum Regni, in robore fortitu-*  
*dini mea.* & in gloria decoris mei. a offensus  
tam arroganti Deus homini, qui suæ hunc  
successum industriæ totum vendicaret, ad-  
eò detestatus est Regis superbiam, ut, cum  
sermo adhuc esset in ore Regis vox de calo ruit:  
*Tibi dicitur Nabuchodonosor Rex; regnum*  
*tuum transibit à te.* & ab hominibus abscent  
re, & cum bestiis & feru erit habitatio tuæ  
fornum quasi bos comedes, & seipsum tempora  
mutabuntur super te: donec scias, quod domi-  
netur excelsus in regno hominum, & cui vo-  
luerit det illud. Si tam infelicem sortitur  
exitum, tam Deo invisus est labor iste mor-  
talium, si totum rerum nostrarum succes-  
sum suæ vendicat voluntati, cur spes res-  
que nostras, laboris curarumque vacui illi  
non consignamus? Quid? quod omnis sæpè  
irritus labor noster concidat, & post mul-  
tum operis curarumque tempestas aut  
adver-

a) Dan. 2.347.

adversitas evertat subita, quidquid longo  
Studio est comparatum? Ita Deus Iudaici  
populi labores risit, speratamq; ex diligen-  
ti agricultura messem sustulit, per Aggæ-  
um Prophetam, hanc illis industriam suc-  
cessu suo destitutam exprobrans, seminastis,  
ait, multum, & intulisti parum: comedistis  
& non estis satiati: bibistis & non estis inebri-  
ati: operauistis vos, & non estis calefacti, & qui  
mercedes congregavit misit eas in faccum per-  
tussum. a Tam igitur fallax si mortaliū labor-  
sit, quin stivam & ligonem proisciūt agrico-  
læ: quin operarius vineā deserit de mercede  
incertus? præsertim cùm unius Dei, & cura,  
& arbitriū sit, vel abundare hominē, vel defi-  
cere. Certè hæc adeò perculere Sapientis Ec-  
clesiastæ animū, ut dixerit: Vidi sub sole, nec  
velocium esse cursum, nec fortium bellum, nec  
sapientum panem, nec doctorum divicias, nec  
artificum grariam; sed tempus, casumque in  
omnibus b) Videas festinato pede currentem  
præcipitari, atque ab alio tardiore, in opibus  
atque honore occupando, præverti. Videas  
bene instructum ab omni apparatu militem  
spe locupletandæ fortunæ ad bellum pro-  
ficiaci, exhaustū & spoliatum omnibus do-  
mum reverti; dum nudus aliis rerum sua-

D

rum

a) Agg. 1, 6. b) Eccl. 9, 11.

rum desperatione, eodem profectus, magnis opulentus spolijs in patriam se recipit. Videas sapientem ac modestum præ reliquis hominem, pane suo propemodum destitui, quando stultus quispiam audaxque Aulæ Principumque favore nixus, lautâ mensâ delicijsque fruitur. Videas eminentem doctrina virum tenuem capere ex divitijs scientiarum fructum, rudes alios ad magistratus & officia penetrare publica, magisque loculis, quam ingenio abundare. Erit inter artifices, qui antelucanis serisque fatigetur laboribus, exiguum tamen operæ emolumendum capiat, cum alias perfundatorio intentus operi, arte magis, quam labore ditetur. ita ut tempus casusque, quæ in Dei manibus sunt, vertere omnia susque deque existimanda sint. Ut quid igitur mortales inutili cura studioque affiguntur, quando in unius Dei manibus atque arbitrio sunt omnia, qui longè à nostris semotus iudicijs, illa quæ vult ipse, præter mortalium plerorumque spem atque expectationem, exequitur. Esau primogenitum paterna benedictione privat, Jacob extraneum apud Labanum repente ditat. Nunquid in vanum nostris obnitimus studijs, quando Dei sapientia attingit à fine usque ad finem.

nam foriiter? hoc est (ut D. Bernardus de gratia & libero arbitrio disserit) à calo usque ad inferiores partes terræ, à maximo Angelum usq; ad infimū vermiculū. vel, ab ortu creature usque ad finem destinatum à Creatore; sive in quem urget natura, sive quē accelerat causa, sive quem concedit gratia. Attinet autem fortiter: dum nihil horū euenit, quod non, prout vult, potenti praordinat providentia. Deum igitur, ita velle atq; ordinare, summa lex est rerum omnium, frustra omne consilium hominis, frustra conatus omnis laborque est, frustra quæsitus exitus. Daniel in lacum includitur Leonum ipse futurus pabulum. **a** Ita visum hominibus, & quis aliud exspectet, dum Leones stimulante fame esuriunt, innata crudelitas hominum vitæ insidiantur, Daniel inertis, imbellis, tremulus ante eorum oculos procumbit: sed Deo aliud placuit, Danieli ab inexpectato baulo cibus subministratur; Leones famelico stomacho contrari se iuvenem impunè epulari intuentur: alij Leonibus in lanientam reservantur, qui Danielem eodem destinaverant: ille à lacu ad opulentem Aulam transmigrat, hi

D 2 ab

a) Dan. 6.

ab Aula in lacum exitiumque præcipitan-  
tur. Vnde hæc tam admirabilis catastrophe,  
nisi, quia non est consilium contra Dominum,  
a neque est , qui eius possit resistere volun-  
tati.<sup>b</sup>

Verum licet eiusmodi illa sint , quæ ni-  
miam in nobis meritò curam damnent,  
tamen omnem à nobis sollicitudinem la-  
boremque nequaquam tollunt. Lata semel  
à Deo sententia , nunquam retractatur: *In  
sudore vulnus tui vesceru pane tuo.* <sup>c</sup> Et hæc  
adeò inter Ethnicos quoque invaluit opi-  
nio , ut vulgato illorum feratur axio-  
mate,

*Dij laboribus omnia vendunt.*

Nota est hominis à Domino suo desti-  
nati ad agrum á lolijs purgandum fabula.  
Venit ille, utque ingentem spectavit campi  
planiciem, vrticis ac senticetis expurgan-  
dam, laboris temporisque insumendi tædio  
atque horrore percussus Deos supplex præ-  
cari cœpit, ut tanta agros zizaniorum illu-  
vie liberarent. Audijt è cœlo Iupiter sup-  
plicem , iussitque adhibere manus operi-  
fore ut deinde votis obsequeretur. Rectè,  
ut quid enim postules auxiliatorem tibi  
Deum fieri , qui nec proprias tibi manus  
opem

a] *Prov. 21.30.* b) *Esth. 13.9.* c) *Gen. 3.12*

opemque velis commodare. Volentem  
Deus adiuvat, surgentem erigit, promovet  
currentem. nobiscum operatur ille, sed non  
sine nobis. Quid est vita nostra, nisi stadium  
pro bravio currentium, ubi nemini est qui-  
escendum? Hoc tantum attendendum est,  
cum signum mappâ datur, ne cuncteris nec  
antevertas, priusquam detur. Utroque  
peccatur, & cum prævertis iustum currendi  
tempus, & cum sequeris: neutris datur bra-  
vium. Qui suo currit, & præcurrit tempore,  
capax est. Vis planius rem dicam? *Omnia  
tempus habent*, a tempus est quod Deo ritè  
colendo debeas, tempus quod tibi provi-  
dendo, tempus quod proximo. Quod si suū  
cuiq; tēpus attribueris, non nisi signo dato  
procurses ad braviū Hęc tempora, si minus  
divinę leges, ipsa tibi ratio clarissimis ve-  
ritatis radijs, tanquam literis, non obscurè  
designabit.

Primum omnium præceptorum est,  
quod lux rationis nostris inscrispit animis,  
quod Ethnicus iuxta ac Christianus agnos-  
cit, *Deum cole*. Cuius præcepti explendi,  
cum rursus tempus aliquod inquirendum  
sit, ut quid quantumque Deo tribueñdum  
sit, constet. David nobis viam tempusque

D 3 mon.

a] Ecc. 3.1,

monstrat. Memor fui tui super stratum meum in matutinū, inquit, meditabor in te, quia fuisti adiutor meus. a In quem locum Chrysostomus ita differit. opus fuerat per diem hanc habere memoriam Dei, quia verò solliciti semper es sis, & sic in secularibus distrahebmini, saltem tunc memores estote Dei super stratum vestrum, & in matutinū meditabmini in eo. Si enim in matutinū Deum nobis propitium fecerimus, nibil habebimus inimicū. b Et Deus hanc nobis vicissitudinem dierum noctiumque, hanc laboris quietisque alternationem, non alio magis fine destinasse videtur, quam ut animum à curis ad vitæ huius vicissitudinem avocatum sistemus authori suo, rerumque opium Dominum ac moderatorē, ut temporum, ita vitæ mortisque veneraremur. Hinc nox somnusque curas interpellat, serenusque & pacatus à somno, velut morte quadam, animus ad vitam reddit, nihilque prius habere debet, quam Domini autorisque sui meminisse. Hæ Deo primitiæ ex nobis debentur, quas cum sibi in rebus olim corporalibus, quanto magis in spirituali vita nostra animoque requirit. Animadvertis idem aureus ille, qui supra Orator, cum sic

ad

a) Psal 62,6. b) Hom. 41. ad pop.

ad populum loquitur. Non propter hoc facta  
est nox, ut solum cessemus, seu dormiamus. Se-  
lent artifices operari & mercatores, Dei au-  
tem Ecclesia medijs consurgit noctibus ad  
orandum. Surge & tu anima tunc enim &  
purius, & subtilior, & agilis magis est, & ipsa  
benebra, multumque silentium ad compunctionem &  
meditationem animum inducunt. a  
Primo itaque hic ritè laborantium cura est,  
Deo primitias operum ac diei consecrare,  
quod ut loco maximè opportuno praestes,  
eundem quem cœpisti Chrysostomum  
Preceptorem optimum iuverit auscultasse.  
*Etsi, inquit, domi orandi facultas datur, fieri*  
tamen non potest, ut domitam bene ores, quam  
in Ecclesia, ubi tot Patres, ubi clamor felici  
societate excitatus ad Deum resertur. Nec  
pariter exoras, cum solus Dominum obsecras,  
atque cum fratribus tuis. Est enim in hoc plus  
aliquid, nempe concordia, conspiratio & unio  
charitatis, & Sacerdotum clamores. Praesunt  
enim ob eam rem Sacerdotes, ne populi oratio-  
nes, qua infirmiores per se sunt - validiores  
illas complexa simul in cœlum evanantur. b

Hic igitur primus præcipuusque labor  
esse convenit in Deo fidentium, primas ad

D 4 Deum

a) Hom. 42. ad pop. b) Hom. 3. de incomp.  
Dei natura.

Deum curas hoc studio convertere, deinde  
ad sui sese munera sollicitudinem trans-  
ferre: non, ut à Deo prouersus abeant, sed ut  
ipso duce atque auspice operentur. Quod  
iuxta Apostolum est *semper orare, & nun-*  
*quam deficere.* a Ita David Deo sociatus au-  
sus est dicere. *Si habitavero in extremū ma-*  
*ris, etenim illuc manus tua deducet me, &*  
*senebit me dextera tua.* a Neque sola oratio,  
ut dixi, sufficit. Cùm & Apostoli, ad instru-  
ctionem aberrantis populi destinati, tot  
itineribus distenti, periculisque obiecti, ut  
vix aliquid ad laborem vacui temporis  
suppeteret, tamen de se profiteantur, *labo-*  
*rantes operamur manibus nostris.* ac si dice-  
rent, quòd Deo & proximo non impendi-  
mus tempus, hoc labori dedimus ad victus  
necessitatem impenso. Novimus enim illud  
Davidicum: *Labores manuum tuarum quia*  
*manducabis, beatus es, & benè erit ubi.* b Ve-  
teres, ut providentiam cum ipso iungen-  
dam opere tradarent, manum in imagine  
proponebant oculatam. Divinus oculus,  
qui vniuersa contemplatur, totiq; vitæ no-  
stræ prospicit, in nostris est manibus. Quod  
si hæ nobis non defuerint, *Deus prouidebit.*  
Romanorum olim Imperatorum ut Reuf-  
nerus

a) Psal. 138. 7.b] i Psal. 27. 2

nerus obseruavit, nonnemo hoc symbolum usurpabat, *laboremus*: alteri familiare erat, *Deus prouidebit*. Vt ergo aliquid dixit, neuter omnia, coiungamus utrumq; & salva res est. Et quod Apostolus in gravissimis, quos pro Ecclesia subiit laboribus, inquit: *non ego, sed gratia Dei mecum*, hoc in omni profuturo nobis labore locū reperit. Nec igitur soli Deo circa tuum laborem fidendum est, nec labori tuo circa Deum. Non peccasset Nabuchodonosor, nisi gloriatus esset, se ædificasse in robore fortitudinis sue; sed ita, ut postea factum, iuncta Dei auxiliantis cognitione orationem temperasset. Planè enim digna Rege confessio est: *magnifico, et glorifico te, Domine, quia iuxta voluntatem tuā facis, tam in virtutibus cœli, quam in habitatoribus terra.* a Quam diversa hæc ab illa superiori oratio est! hæc divinæ omnia voluntati, illa humanæ industriæ tribuebat: illa mortali homini vendicabat excitatæ vrbis gloriam, hæc supremum Dominum cœlique ac terræ moderatorem veneratur. tantum in sua illa calamitate profecit ad sapientiam.

Verum quid Iudæos, illâ, quam Aggæus supra memorat, maledictione afflixerit, ut

D s      facta

a) Dan. 4. 32.

facta operosè semente messis falleret, cibus  
 potusque deficeret, vestimenta male tege-  
 rent, merces intercideret, operæ pretium  
 erit, ad cautelam, observasse. Non dissimu-  
 lat idem Vates, dum his illos verbis Dei  
 perstringit: *res pexistis ad amplius, & ecce fa-*  
*ctum est minus: intulisti in domum, & exsuf-*  
*flavi illud: quam ob causam? dicit Dominus*  
*exercitum. Quia domus mea deserta est, &*  
*vos festinastis uniusquisque in domum suam.*  
*Propter hoc prohibiti sunt cœli, ne darent ro-*  
*rem: & terra prohibita est, ne daret germen*  
*suum: & vocavi sociatatem super terram, &*  
*super montes, & super triticum, & super vi-*  
*nus, & super oleum. & quacunque profert*  
*humus, & super homines, & super iumenta,*  
*& super omnem laborem manuum. a Hæc*  
*expendere illos æquum est, qui has sibi ma-*  
*le interire horas arbitrantur, quas in Dei*  
*domo, atque oratione expendunt. Nullus*  
*labor nobis fertilior est, ad hunc tota indi-*  
*ces familia cogenda esset. ut suus reliquo*  
*labori succus fructusque constaret. Multi*  
*sine successu operantur, quia sine Deo.*  
*Multi cum temporali felicitate gaudeant,*  
*destituuntur æterna; quia domus Dei de-*  
*serta est. alterutra Deus clade sui oblitos*  
*ferit,*

a] Agg. 1. 9.

ferit, aut præsenti, aut æterna.

Cæterū, quod Danieli citra laborem curamque propriam delatum sit per Habacuc, Angelo vectore, prandium, dignum fateor memoratu cogitatuqe exemplum est. Nam ubi fiducia non destituit animum, etiam citra laborem mortalium, Deus neminem destituisse compertus est. In has aliquando angustias res nostras Deus coniicit, vnde propria industria emergere non liceat, ut experiatur quantum ipsi tribuamus, doceatque humanis frustra viribus mortales subniti. Elias ad torrentem Carith solitarius esurit, & famulantes Deus corvos submittit, qui hominibus deficientibus, carnes panesque subministrarent. Verum cum & hic torrens siccatus in communi ariditate negaret potum, ad viduam Sarepthanam deflectens, nec aquis, nec oleo, nec hydria farinæ imminuta pascitur. a Rursum Iezabellis tyrannidem fugiens, cum in deserto sub Iunipero arbore, fame sitiq; langvēs, peteret anima sua, ut moreretur, Angelus cibi potusque subministrator adstitit, qui comedis & bibis, & ambulavit in fortitudine cibis illius quadraginta diebus & noctibus. b Idem igitur Deus qui Ismaelem in solitudi-

ne, Daniëlem in lacu, Eliam inter tot discrimina aluit, tibi in pari necessitate defuturus non est, modò tuis diffisus viribus [quod in his Deus angustijs in primis spectat] Deo totus innitaris. Et cū Davide sentias. Dominus regit me, & nihil mihi deerit. a aut cum Iobo ausis dicere: etiam si occiderit me, in ipso sperabo. b Ita planè Deum illum, cui cura est de omnibus, ad tuū auxilium semper inflectes, citiusque de cœlo Sol deficiet, quām Deus tibi. In timore enim Domini fiducia fortitudinū, & in filijs eius erit spes, gloria & divitiae in domo eius. c Hoc expertus totus populus Israëliticus in deserto est. Panis deficit, & Deus illis de cœlo manna sufficit: tantā profusum copiā, ut nulli deesset; tantā benevolentiā, ut omne ciborum delectamen-  
tum haberet. Aquarum premuntur inopiā, & à petra hanc petere iubentur, hæsitante imprudēter Moysē, cum populo; ut si is, qui de cœlo panem, de terra non posset aquas fundere. percussit verò petram, & fluxerunt aqua. Carnes à lasciviente etiam multitudine appetuntur; Deus tamen præstat, ac pluit super illos, sicut pulverem carnes, & sicut arenam mari volatilia pennata.

d) Tan-

a) Psal. 22.1. b) Job 13.15. c) Prog. 14.26  
d) Psal. 77.27.

Tanta erat Dei erga hunc populum cura, ut postquam semel illius sorte regendum commisisset providentiae: nunquam eidem, ne ad delicias quidem, & iniqua postulata defuerit. Cæterum ubi divinæ voluntati ad honesta quæque hic sese Deo submisit populus, sed in pulchritudine pacis, in tabernaculis fiducie, & in requie opulenta. a Hæc Dei tam erga singulos, quam universos providentia neminem fallit, in ipsum confidentem. Hoc David agnoscit ac profitetur. Oculi, ait, omnium in te sperant Domine, & tu das escam illorum in tempore opportuno, aperis in manum tuam, & imples omne animal benedictione. b Quod utinam plerique mortalium expenderent, atque a nimio terrenarum rerum studio, cor suum ad Deum converterent, de quo D. Gregorius c rectè advertit & asserit; Sic Deus intendit singulis, ac si vaceat à cunctu; & sic omnibus simul intendit, ac si vaceat à singulo.

Noverit itaque homo, quicunque ad opes huius vitæ se dignas adspirat, Deo sibi ante omnia fidendum esse, sed ita, ne, cum potest, deserat laborem: quia cuique illud Adæ de terra dictum est: in laboribus comedet

D 7 des

a) Isa. 32.18 . b) Psal. 144.16, c) Lib. 25°  
mor. 6.19.

des ex illa cunctis diebus. a At rursum ita cuique laborandum est, ne sibi suoque labori in primis nitatur, sed Deo fortunam successumque tribuat. Nam, ut dictum est: *benedictus vir, qui confidit in Domino.* b ita ab eodem Propheta hoc fulmen intentatur: *maledictus homo, qui confidit in homine.* c ponit carnem brachium suum. c Stulta illa mendici hominis vox fuit, qui cum implefset corrugato iam pane manticam, sublata hanc manu quassans inquit, *iam sperr.* Magis etiam stulta illius Divitis, qui postquam luscianta messe fretus amplificaret, impleretque horrea, animæ suæ dicebat: d *Habes multa bona posita in annos plurimos, requiesce, comedere, bibere, epulare:* audire coactus est. Stulte, haec nocte repetent animam tuam, e qua parasti cuius erunt? Ita nonnunquam Mercator sedulus, parum Dei memor, suâ fisis industria, opes cumulat, officinam implet mercibus, auro ærarium, fortunæque angendæ inhians, terræ marisque subit discrimina, & quandoque vni classi, ventoque, vni cambio, aut nundinationi, aut mutuo se suamque fortunam credit, dum repentina casibus, hic illicque destitutus, ex locu-  
 plete

a] Gen. 3.17. b] Ier. 17.7. c] Ibid. v.5. d)  
 Lyc. 12.19.

plete indigus, ex fortunato miser, domo, foro, existimatione suâ cedere cogitur, lamentabilem ruinam ægre sustinet, tam animo deiectus, quâm elatus antea, tam contractus modò pudore, quâm prius inflatus arrogantiâ. Qui si felicitatem suam didicisset ferre moderatius, infelicitatem sustinere fortius; si in illa Deo nixus substitisset, in hæc non deficeret. Non tam repente animo locoque disturbatus cederet: nosset eundem Deum esse, qui & sanet & vulnerat: qui, ut defluens mare suis æstibus, ita & fortunam suis opibus posset reducere. Tantum refert, utrum in Deo, an in Mammona spes nostræ collocentur.

Alij non minus insano studio noctes disque laboribus dedicant, vixque sacros Deo integrè dies partiuntur: quos tamen nihil videoas ad lucrum opesque proficere, frustra sudare, angri, torqucri. Quæ verò causa, nisi quia ponunt carnem brachium suum, ideoque maledictione illius sese onerant, qui implet omne animal benedictione. Ut igitur benedictus in opibus fortunisque tuis vivas, hæc tibi lex æterno mentis decreto scripta esto. Labores suo tempore, in sacrâ profanisq; requisitos, Deo duce atque auspice peragam, de reliquo certus, quia Deus providebit.

QVÆ-